

Ժողովուրդ

181
(2847)

19 դեկտեմբերի երեքշաբթի 2023
տպագրության ԺԲ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՖՈՒՏԲՈՒԼԱՅԻՆ ՎՃՌՈՐՈՇ ԸՆԲԱԹ Է




Դեկտեմբերի 23-ին կայանալիք ՀՖՖ Նախագահի ընտրություններին առաջադրված են երկու թեկնածուներ՝ գործող Նախագահ Արմեն Մելիքեյանը եւ հայտնի ֆուտբոլիստ Արազ Օզգիլիզը: Նախկին լրագրող Մելիքեյանն անցած շաբաթ վերջապես «աչքի ընկավ» հրապարակային խոսքով ու հարցազրույց-հաշվետվություն տվեց իր լրատվական ծառայությանը: Մելիքեյանը ջանք չէր խնայում «գոյություն» չունեցած արդյունքներ նկարագրել, օրինակ՝ թե ինչպես են ծրագիր իրականացրել «Կույր ֆուտբոլի» ոլորտում, կանանց թիմեր են ստեղծվել, ազգային հավաքականը վերջապես մեկ հաղթանակ է տարել եւ այլն: Իհարկե, լրագրողներից խուսափող, հարցումներին ու հեռախոսազանգերին չպատասխանող Մելիքեյանը թերեւս հասկանում է, որ միլիոնավոր դոլարների մուտքեր ունեցող ընկերության ղեկավարին շատ հարցեր կան տալու, ու գնալով խնդիրները մեծանում են: Օրինակ՝ այդպես էլ մեկնաբանություններ չեղան, թե ինչու Արմավյանի մարզադաշտի վերականգնման մրցույթը շահեց Հակոբ Սիմոնյանի ընկերոջ հետ փոխկապակցված ընկերությունը, որը նման աշխատանքների փորձ չունի եւ ավելի բարձր գնով է կատարել դա, քան այլ ընկերություն կաներ: Չպատասխանեց նաեւ, թե ինչու են հիմնական ներդրող ակումբները դուրս եկել իր դեմ՝ ի դեմս «Ուրարտու» եւ «Փյունիկ» ակումբների, ինչու է ազգային հավաքականը խայտառակ պարտություններ կրում, ինչու մարզերում կառուցված փոքր դաշտերը շարքից դուրս են գալիս եւ այլն: Թերեւս Մելիքեյանի ինքնագովազդ ուղերձում հատկանշական էր բանակի թիմին՝ ԲԿՄԱ-ին վերաբերող մասը. համարել էր ԲԿՄԱ-ն հաջողված ծրագրերից, իսկ, որպես հաջողություն, նշում է, որ այս թիմից ազգային հավաքական են գնացել ֆուտբոլիստներ: Իհարկե, բանակում չծառայած Արմեն Մելիքեյանը չի նշի, թե ԲԿՄԱ-ում գրանցված քանի ֆուտբոլիստ է, ըստ էության, ազատվել պարտադիր զինվորական ծառայությունից: Նշենք, որ 2019թ.-ին հիմնադրված ակումբը, ըստ էության, բանակից ազատում է երիտասարդների, որոնք հետագայում կան լքում են ֆուտբոլը, կան հանդես են գալիս համեմատաբար թույլ թիմերում ու այդպես էլ չեն կատարում իրենց առաջ դրված խնդիրը, բայց եւ չեն զորակոչվում ազգային բանակ: Մասնավոր բազմիցս գրել է, որ բարձրագույն խմբում հանդես եկող ԲԿՄԱ-ում եւ առաջին լիգայում խաղացող ԲԿՄԱ 1-ում հայտնվում են խաղացողներ, որոնցից մեկի ծնողը, օրինակ, գործկոմի անդամ է կամ այլ կապերով կապված է ՀՖՖ ղեկավարների հետ: Այդ երիտասարդները, որ չեն զորակոչվում, այդպես էլ հայկական ֆուտբոլի վաղվա օրը չեն դառնում ու, ըստ էության, այդպիսով լուծում են զուտ չզորակոչվելու խնդիրը:

Հ. Գ. Բանի որ ՀՖՖ-ն չի պատասխանում մեր հարցումներին ու զանգերին, հաջորդիվ կանդիդատանանք Խորհրդակցականի անվան մարզապարտի կառուցման ծախսերին ու հավաքված սլավներ կենդանացնենք շինարարական դորսի ներկայացուցիչների փորձագիտական եզրահանգումից:

Ի շխանական շրջանակներում ահագնացել են խոսակցություններն առ այն, որ դեկտեմբերի 22-ին Վերաքննիչ դատարանն ազատ է արձակելու շուրջ երեք ամիս կալանքի տակ պահվող Նարեկ Մալյանին: Իշխանությունները ցանկանում են 2024-ը դիմավորել հնարավորինս քիչ թվով քաղաքականախոսների առկայությամբ, քանզի արեւմտյան կառույցները գնալով դժգոհում են, որ չեն կարող երկար «աչք փակել» Հայաստանում քաղաքականախոսների գոյության փաստի վրա: Մեզ մնում է հետեւել իրադարձություններին՝ արձանագրելու, թե կուլիսային խոսակցությունները ինչ դրսևորումներ կունենան իրականության մեջ:

Հ քաղաքաշինության կոմիտեի Նախագահ Արմեն Ղուլարյանը պաշտոնի նշանակվել է 2021 թվականի հունվարի 27-ին: Ղուլարյանը մինչ քաղաքաշինության կոմիտեի Նախագահ դառնալը հարուստ էր յուզալի պաշտոններով է անցել: Աշխատանքային գործունեությունը սկսել է 1976 թվականից՝ որպես Իջեւանի շրջանային խորհրդի գործկոմ: Ծնունդով Իջեւան քաղաքից, մասնագիտությամբ ճարտարապետ Ղուլարյանը եղել է նաեւ Իջեւանի գլխավոր ճարտարապետը, ապա՝ Նույն քաղաքի քաղաքապետը, հետո՝ Տավուշի մարզպետը: 2014 թվականից եղել է ՀՀ քաղաքաշինության Նախարարի տեղակալ: 2018 թվականից եղել է Նախարարի առաջին տեղակալ, ապա՝ կոմիտեի Նախագահ: Նման հարուստ կարիերա ունեցող Ղուլարյանը 2022 թվականի եկամտների, գույքերի, շահերի եւ ծախսերի հայտարարագրում հայտարարագրել է միանձնյա սեփականությամբ մեկ անհատական բնակելի տուն, որը 2013 թվականին ժառանգություն է ստացել: Մեկ բնակարան բազմաբնակարան շենքում էլ, որը գտնվում է Արաբկիր վարչական շրջանում, հայտարարագրել է՝ որպես այլ անձի սեփականության իրավունքով պատկանող, սակայն իր կողմից շահագործվող գույք: Կոմիտեի Նախագահը 2019-ին Երեւանի կենտրոնում 21 մլն 475 հազար դրամով գնել է մեկ կիսակառույց: Ղուլարյանը տրանսպորտային միջոց չի հայտարարագրել, ինչը զարմանալի է: Ղուլարյանի բանկային հաշիվների մնացորդները կազմել են 4 մլն 492 հազար դրամ եւ 19 հազար 930 դրամ: Կանխիկ դրամական միջոցները կազմել են 4 մլն 500 հազար դրամ եւ 21 հազար ԱՄՆ դոլար: Ղուլարյանի հաշվետու տարվա եկամուտները կուտակվում են միայն աշխատանքի վարձատրությամբ, որն էլ կազմում է 13 մլն 229 հազար դրամ՝ գրեթե 32 հազար ԱՄՆ դոլար: Ստացվում է, որ եկամտների կեսից ավելին՝ գրեթե 8 մլն դրամը, Ղուլարյանը խնայում է եւ հայտարարագրում կանխիկ դրամ՝ 21 հազար դոլար, հակառակ դեպքում սա կոռուպցիոն ռիսկ է, քանի որ կանխիկ դրամական միջոցների ստացման աղբյուրը չկա, իսկ եկամուտը միայն աշխատանքի վարձատրությունն է: Ղուլարյանն իր նախկին հայտարարագրերում որպես եկամտի աղբյուր նշում էր կենսաթոշակը՝ 52 հազար դրամ, իսկ վերջին հայտարարագրում կենսաթոշակի մասին ոչինչ չկա: Ղուլարյանը ՀՀ զինված ուժերի փոխգնդապետ է, բայց բանակում չի ծառայել, համեմայնդեպս, իր կենսագրության մեջ նշված չէ այդ մասին: Ղուլարյանը ՀՀ ամենատեղաբարկյաց մարզպետն է. ղեկավարել է Տավուշի մարզը 1999 թվականից մինչեւ 2014 թվականը՝ ամբողջ 15 տարի: Այս ժամանակահատվածում տավուշցիները դժգոհ են եղել նրա աշխատանքից: Նրանից հատկապես դժգոհել են սահմանամերձ, մշտապես թշնամու կրակահերթերի տակ գտնվող գյուղերի բնակիչները, որովհետեւ մարզպետի «վեջին էլ չի եղել», թե ինչ է կատարվել իր մարզում: Ավելին՝ տեղացիների պատմելով՝ նա շատ գյուղերի ճանապարհն էլ չի իմացել: Հավելենք նաեւ, որ Ղուլարյանի ղեկավարած քաղաքաշինության կոմիտեն ղեկավարում է համակարգում է ՀՀ-ում շինարարության ոլորտը, որի փուչիկը, ասել է թե, փչված է, եւ պայթելուն քիչ է մնացել: Բանն այն է, որ բնակարանաշինության մակարդակը Հայաստանում վերջին հինգ տարիների զգալիորեն բարձրացել է, ինչն էլ, ըստ տվյալների վերլուծաբանների, հանգեցնելու է բնակարանաշինության ոլորտում լճացման:



Երեկ, վարչապետ Նիկոլ Փաշինյանի հրամանով, Ամբակում Գրիգորյանը Քրեակատարողական ծառայության պետ է նշանակվել: Դեռ այս տարվա հոկտեմբերի 14-ին գրել էինք, որ, մեզ հասած սեղեկությունների համաձայն, ՔՊ-ականների մի հատված արդարադատության Նախարար Գրիգոր Մինասյանին է առաջարկել Ամբակում Գրիգորյանի թեկնածությունը, սակայն Նախարար Մինասյանը մերժել է: Մեզ հասած լուրերի համաձայն՝ նրան հասկացրել են, որ Գրիգորյանը միակ արժանի թեկնածուն է: Արդյունքում ամիսներ անց՝ Նախարար Մինասյանի մերժումից հետո, իրավապահ համակարգը հաշվի չառավ Նախարարի ցանկությունն ու նշանակեց իր ցանկալի թեկնածուին, քանի որ քաղաքական թիմը նրան էր տեսնում ՔԿՀ ղեկավարի պաշտոնում:

ՊԱՐԶԱԲԱՆՈՒՄ

ՄԻԿՐՈՍՎՏՐՈՒՄՆԵՐԻՆ ՈՒ ՆԱԽԿԻՆ ՀԱՄԱՅՆՔԱՊԵՏԸ

ԱՄՓՈՓՈՒՄ ՄՈՍԿՎԱՅՈՒՄ

«Ժողովուրդ» օրաթերթի փոխանցմամբ՝ Մոսկվայում դեկտեմբերի 18-ին՝ ԱՊՀ երկրների վարչապետների հանդիպմանը, մեծ ուշադրություն կդարձվի մշակութային և հումանիտար համագործակցության ընդլայնմանը...

Հանդիպման արդյունքում նախատեսվում է ընդունել ԱՊՀ երկրների կառավարությունների ղեկավարների հայտարարություն, որը կամրագրի աշխատանքի առանցքային ոլորտները միջմշակութային երկխոսության խորացման, փոխըմբռնման և համագործակցության երկրների մշակութային բազմազանության հանրահռչակման ուղղությամբ...

ԱԶԱՏՎԵԼ Է ԱՇԽԱՏԱՆՔԻՑ

Երեանի քաղաքապետի մամուլի քարտուղար Հայկ Կոստանյանը ֆեյսբուքյան իր էջում օրեր առաջ գրել էր, որ համայնքային ենթակայության հ. 94 մանկապարտեզում տեղի ունեցած միջադեպով պայմանավորված (խմբի դաստիարակի՝ երեխաների նկատմամբ անընդունելի վարքագիծ)՝ աշխատանքից ազատվել են հ. 94 մանկապարտեզի տնօրենը, մանկապարտեզի դաստիարակը, ինչպես նաև Սալաթիա-Սեբաստիա վարչական շրջանի կրթության, մշակույթի և սպորտի բաժնի պետը:

«Ի հավելումն ասվածի՝ տեղեկացնեմ, որ վերջերս ՀՀ ԱԾՄ աշխատակիցների՝ նախադպրոցական ուսումնական հաստատություններում իրականացված գործողությունների արդյունքում եւս 11 մանկապարտեզների տնօրեններ ազատվել են աշխատանքից: Վերը նշվածի վերաբերյալ ամբողջական տեղեկատվությունն այս պահին այսքանն է»,-նշված է հրապարակման մեջ:

«Ժողովուրդ» օրաթերթի տեղեկություններով՝ մանկապարտեզի ազատված տնօրեններից մեկը եղել է Արաբկիր վարչական շրջանում գտնվող հ. 25 մանկապարտեզի տնօրեն Ինգա Խաչատուրովան: «Ժողովուրդ» օրաթերթին հասած տեղեկությունների համաձայն՝ Խաչատուրովային ազատել են աշխատանքից նրա՝ ԶՊ-ակնայն չլինելու պատճառով: Օրեր շարունակ փորձեցինք կապ հաստատել մանկապարտեզի հետ՝ պարզելու, թե ինչ է տեղի ունեցել իրականում, եւ որքանով է տեղեկությունը համապատասխանում իրականությանը, սակայն նախ՝ մեզ պատասխանեցին, որ իրենք իրավասու չեն պատասխանել որեւէ հարցի, եւ որ այն անձը, որն իրավասու է, տեղում չէ, ապա՝ մեր զանգերը մնացին անպատասխան:

«Ժողովուրդ» օրաթերթը դարձերաբար Ալավերդի համայնքի բնակիչներից դժգոհություններ է ստանում, որ Ալավերդու՝ վերջերս դաւաճանակ արված համայնքապետ Արկադի Թամազյանը իր հեռանալուց հետո հեռ է վերցրել համայնքին սրամադրված միկրոավտոբուսները:

Թամազյանը ֆեյսբուքյան իր էջում գրում է. «Ալավերդի համայնքի սիրելի բնակիչներ,

Համայնքի կառավարումն ապօրինաբար եւ բռնի զավթած վարչակազմը տարբեր խողովակներով շարունակում է մեր թիմի գործունեության մասին կեղծ լուրերի տարածումը:

Այս օրերին էլ մասնավոր ԶԼՄ-ների կողմից շահարկվում է այն ստահող տեղեկությունը, ըստ որի՝ «Ապրելու» հիմնադրամի կողմից ձեռք բերված եւ համայնքին տրամադրված միկրոավտոբուսները հետ են վերցվել ու տեղափոխվել են համայնքից:

Օգոստոսի 2-ին միկրոավտոբուսները վնասվել էին տեղացած ուժեղ կարկուտից, եւ հիմնադրամի ֆինանսական միջոցներով այս պահին շարունակվում է դրանց վերանորոգումը: Արտերկրից ներմուծվող գործարանային պահեստամասերի հանգամանքով պայմանավորված՝ վերանորոգումը պահանջում է որոշակի ժամանակ:

Կարելուրելով բնակիչների շահը՝ վստահեցնում ենք՝ վերանորոգումից հետո մենք պատրաստ ենք պայմանագիր կնքել համայնքի հետ եւ միկրոավտոբուսները հանձնել Ալավերդի համայնքին՝ ներհամայնքային տրանսպորտային ցանցում օգտագործելու պայմանով:



Անկախ ամենից՝ բացառում եմ, որ բնակիչները տուժեն որոշ պատեհապաշտների կամայական ցանկությունների պատճառով: Միկրոավտոբուսների ձեռք բերումն իրականացվել է Ալավերդու ներհամայնքային տրանսպորտային ցանցի արդիականացման նպատակով, եւ, իհարկե, այն պետք է ծառայի մեր բնակիչին:

Շնորհակալ եմ վստահության համար: «Ժողովուրդ» օրաթերթը թեմայի վերաբերյալ պարզաբանում ստանալու համար դիմեց Արկադի Թամազյանին, վերջինս էլ ասաց, որ միկրոավտոբուսները հետ չեն վերցվել, պարզապես վերանորոգվում են. «Այդ ավտոբուսները «Ապրելու երկիր» հիմնադրամն է տրամադրել Ալավերդի համայնքին՝ ի աջակցություն մեր բնակիչների. Ալավերդու համայնքապետարանը կամ

կառավարությունը դրա հետ կապ չունեն: Երկրորդ՝ որեւէ մեկը չի տարել դրանք: Դրանք ի սկզբանե չեն էլ գործարկվել, որեւէ պայմանագիր կնքված չի էլ եղել: Նոր միկրոավտոբուսները կարկուտի հետեւանքով վնասվել էին, դրանից հետո՝ մինչ օրս, վերանորոգման փուլում են», -ասաց նա: Արկադի Թամազյանը նաեւ հավելեց, որ եթե նոր համայնքապետը դիմի իրենց, ապա պատրաստ են պայմանագիր կնքել եւ միկրոավտոբուսների օգտագործման իրավունքը տալ համայնքին. «Մեր կուսակցությունն ի աջակցություն մեր ժողովրդի էր ձեռք բերել դրանք, բիրտ ուժ կիրառելով՝ կառավարումը խլել է նաեւ մեր ձեռքից, հիմա էլ ասում են՝ ավտոբուսները տարել են», -եզրափակեց մեր զրուցակիցը: ԶՊՄՍԻՆԱ ՄՈՒՇԵՐՅԱՆ

ՕՐՎԱ ԽՃԱՆԿԱՐ

ՀԱՏԿԱՅՈՒՄ ԱԳՆ-ԻՆ

Նիկոլ Փաշինյանի որոշմամբ՝ ՀՀ կառավարության բյուջեից 1.690.000 դրամ է հատկացվել Արտաքին գործերի նախարարությանը:

«Ժողովուրդ» օրաթերթը տեղեկացավ, որ գումարը հատկացվել է Միավորված ազգերի կրթական, գիտական եւ մշակութային կազմակերպությունում Հայաստանի Հանրապետության մշտական ներկայացուցիչ Զրիստիան Միշել Ստեփանի Տեր-Ստեփանյանի մահվան կապակցությամբ հուղարկավորության հետ կապված ծախսերը փոխհատուցելու նպատակով:

ԹԵԿՆԱԾՈՒՆԵՐԸ ԸՆՏՐՈՒԹՅՈՒՆՆԵՐՈՒՄ

Փետրվարի 17-ին Ադրբեջանում կայանալու է արտահերթ նախագահական ընտրություն, եւ ընդդիմադիր մի շարք ուժեր որոշել են բոյկոտել՝ դա բացատրելով երկրում ազատ եւ արդար ընտրություններ անցկացնելու համար պայմանների բացակայությամբ:

Դեկտեմբերի 15-ին «Նոր Ադրբեջան» կուսակցության վարչության ընդլայնված նիստում որոշում է կայացվել նախագահական ընտրություններում առաջադրել Իլիամ Ալիևի թեկնածությունը: Նախագահի պաշտոնի համար պայքարելու մտադրություն ունի եւս 5 թեկնածու: Այսպիսով, այսօրվա դրությամբ Ադրբեջանում կայանալիք արտահերթ նախագահական ընտրությունում թեկնածուները վեցն են:



ՄԱՐԶԵՐ՝ ԸՆԱԲԺԱԿԱԶՄԵՐՈՒՄ

Առցանց քարտեզներում հանրային փոխադրամիջոցի տեղաշարժն ապահովելու նպատակով հատուկ սարք է տեղադրվել 448 շարժակազմում: Այս մասին նշվել է դեկտեմբերի 18-ին՝ Երեանի քաղաքապետարանի հերթական գործակարգավարական խորհրդակցության ժամանակ:

Նշվել է, որ ավարտվել է Մուշական թաղամասի 4600մ կոյուղատարի շինարարությունը:

Կոնդ թաղամասի բնակիչների շենք-շինությունների օրինականացման եւ սեփականության վկայականների տրա-

մադրման գործընթացի վերաբերյալ զեկուցվել է, որ այս պահին առկա է 211 դիմում:

ԿԱՐՄՐՈՒԿԻ ԹԻՎԸ

ԱՆ հիվանդությունների վերահսկման եւ կանխարգելման ազգային կենտրոնը ներկայացրել է կարմրուկով պայմանավորված իրավիճակը Հայաստանում:

Ըստ այդմ՝ դեկտեմբերի 18-ի դրությամբ ընդհանուր լաբորատոր հաստատված դեպքերի թիվը 525 է, որից 374-ը երեխաներ են, 151-ը՝ մեծահասակ, 2 քաղաքացի հոսպիտալացված է, 350 քաղաքացի դուրս է գրվել:

ԶԱՐԱՇԱՐՈՒՄ

ՎԱՐԴԱՆ ԴՈՒԿԱՍՅԱՆԻ ԳՈՐԾԸ՝ ՆՈՐ ՓՈՒԼՈՒՄ

«Ժողովուրդ» օրաթերթի սեղեկու-
թյուններով ավարտվել է Գյումրու հա-
մայնքի նախկին ղեկավար Վ. Դու-
կասյանի կողմից դաժնակալական
կեղծիք կատարելու, դաժնակալական
լիազորությունները չարահայտելու մի-
ջոցով Գյումրի համայնքում գտնվող
երկու սասնյակից ավելի անձանց
գույք օտարելու դեղմերի առթիվ նա-
խաձեռնված քրեական վարույթի նա-
խաճանաչումը:



ՀՀ քննչական կոմիտեի Շիրակի մար-
զային քննչական վարչությունում իրակա-
նացված բազմակողմանի քննությամբ
ձեռք բերված փաստական տվյալներով
հիմնավորվել է, որ Վ. Դուկասյանը,
1999թ. նոյեմբերից մինչև 2012թ. հոկ-
տեմբերը հանդիսանալով Գյումրու քա-
ղաքային համայնքի ղեկավար, մի շարք
պաշտոնատար անձանց օժանդակու-
թյամբ 2006-2011թթ. ընթացքում ուղղակի
վաճառքով կամ աճուրդով օտարել է ՀՀ
հողային օրենսգրքի 60-րդ հոդվածով
սահմանված՝ օտարման ոչ ենթակա՝ պե-
տական կամ համայնքային սեփականու-
թյուն հանդիսացող, տարբեր հասցեներ-
ում գտնվող 24 անշարժ գույք, այդ
թվում՝ ընդհանուր օգտագործման կանաչ
գոտի (զբոսայգի) հանդիսացող քաղա-
քային զբոսայգու հողամասեր՝ տվյալ ժա-
մանակ գնահատված ընդհանուր
35.690.403 (35 միլիոն 690 հազար 403) ՀՀ
դրամ կադաստրային արժեքով:

Վրուկասյանի որդուն կամ եղբորը: Այդ
հիմքով կատարվել են պետական գրան-
ցումներ, տրամադրվել են վկայականներ:
Հավելեց, որ ձեռք բերված բավարար
փաստերի հիման վրա՝ Գյումրու համայն-
քի նախկին ղեկավար Վ. Դուկասյանին
մեղադրանք է ներկայացվել՝ պաշտոնեա-
կան կեղծիք կատարելու (24 դրվագ),
պաշտոնեական լիազորությունները չա-
րաշահելու (26 դրվագ), հանցավոր ճա-
նապարհով ստացված եկամուտներն օրի-
նականացնելու (փողերի վաճառում) (4 դր-
վագ) համար: Վերջինիս եղբորը, որդուն
և երկու մտերիներին մեղադրանք է ներ-
կայացվել՝ հանցավոր ճանապարհով
ստացված եկամուտներն օրինականաց-
նելու (փողերի վաճառում) համար:
Քրեական վարույթով համայնքապե-
տարանի նախկին պաշտոնատար 5 ան-
ձանց նկատմամբ ոչ արդարացնող՝ վաղե-
մությունն անցնելու հիմքերով քրեական
հետապնդումները դադարեցվել են:

Հիշյալ անշարժ գույքերն օտարվելուց
հետո կեղծ բովանդակությամբ տեղե-
կանքներ են ներկայացվել ՀՀ ԿԱ անշարժ
գույքի կադաստրի Շիրակի մարզային
ստորաբաժանում, եւ դրանց հիման վրա՝
հիշյալ անշարժ գույքերի նկատմամբ
գրանցվել է տարբեր ՍՊԸ-ների եւ ան-
ձանց սեփականության իրավունքը:
Բացի այդ, ձեռնարկ առուվաճառքի եւ
անհատույց օգտագործման պայմանագ-
րեր կնքելու, նվիրատվություններ կատա-
րելու եղանակով օրինական ճանապար-
հով գույքի ձեռք բերման պատրանք
ստեղծելու, այդպես իր կատարած հան-
ցանքի համար պատասխանատվությու-
նից խուսափելու օժանդակելու հարցերի
շուրջ նախնական համաձայնության գա-

ԿԱՐԵՎՈՐ
ԶԻՏԱԿԱՆ
ՀԵՏԱՊՆԳՈՒՄ Է
ՀԱՐՈՒՅՎԵԼ

«Ժողովուրդ» օրաթերթի փոխանցմամբ՝
դատախազը 2023 թվականի դեկտեմբերի
16-ին հանրային քրեական հետապնդում
է հարուցել «Էլ-Ար Շինե» ընկերության
տնօրեն Ա.Ա.-ի նկատմամբ, առանց ըն-
դերքն օգտագործելու թույլտվության,
Մասիս համայնքի Սիփանիկ բնակավայ-
րի 3-րդ հասցեում գտնվող հողատարած-
քում պետական սեփականություն հանդի-
սացող ավագ արդյունահանելու համար:
Դատախազությունից «Ժողովուրդ»
օրաթերթին հայտնում են, որ Արարատի
մարզային վարչության Մասիսի բաժնի
քրեական հետախուզության բաժանմուն-
քի օպերլիազորի գեկուցագրի հիման
վրա նախաձեռնված քրեական վարույթով
պարզվել է, որ Ա.Ա.-ն, հանդիսանալով
«Էլ-Ար Շինե» ընկերության տնօրեն, 2023

թվականի դեկտեմբերի 1-ից մինչև դեկ-
տեմբերի 14-ն ընկած ժամանակահատ-
վածում Մասիս համայնքի Սիփանիկ բնա-
կավայրի 3-րդ հասցեում գտնվող հողա-
տարածքում, առանց հատուկ թույլտվու-
թյան եւ առանց լիցենզիայի, վերոնշյալ
ժամանակահատվածում հատուկ տեսակի
տեխնիկայի օգտագործմամբ Ս.Ս.-ի, Լ.Պ.-
ի եւ Զ.Ս.-ի օժանդակությամբ արդյունա-
հանել է պետական սեփականություն
հանդիսացող մոտ 350 խմ ծավալով օգ-
տակար հանածո՝ ավագ: Ա.Ա.-ն արդյունա-
հանված ավագի 1 խմ-ն 9000 դրամով, իսկ
ընդհանուր՝ 3 մլն 150 հազար դրամով
իրացրել է տարբեր անձանց՝ պետությանը
չվճարելով 5 մլն դրամը գերազանցող պե-
տական տուրքերը:
Վերոնշյալ արարքների արդյունքում
պետությանը, նախնական հաշվարկով,
պատճառվել է առանձնապես խոշոր չա-
փերի գույքային վնաս՝ մոտ 5 մլն 500 հա-
զար դրամի չափով:
2023 թվականի դեկտեմբերի 16-ին «Էլ-
Ար Շինե» ՍՊ ընկերության կողմից վերա-


կանգնվել է պետությանը պատճառված 5
մլն 500 հազար դրամ վնասը:

ԿԱՊԿՊԵԼ Է,
ԹԱԼԱՆԵԼ

«Ժողովուրդ» օրաթերթի բացառիկ տե-
ղեկությունների համաձայն՝ երեկ գիշերը՝
ժամը 4:00-ի սահմաններում, Լոռու մար-
զում ենթադրյալ հանցագործները մտել
են բնակիչներից մեկի տուն ու գողություն
կատարել: «Ժողովուրդ» օրաթերթին հա-
սած տեղեկությունների համաձայն՝
նրանք եղել են 4 անձ, որոնք եղել են դի-
մակավորված: Ըստ մեզ հասած լուրերի՝
կաչուն ժապավենով կապել են մորն ու որ-
դուն ու սկսել տակնուվրա անել տունը:
«Ժողովուրդ» օրաթերթին հայտնի
դարձավ, որ տնից տարել են ոսկի, գու-
մար եւ հեռացել: Ավելին՝ լուրեր ունենք,
որ տանտերերը մարմնական վնասվածք
չունեն, իրավապահները փնտրում են կա-
տարողին:

ԱՆՈՒՆՆԵՐ

ՀԱՅՐԵՆԱԳԱՐՉՎԱԾ
ԳԵՐԻՆԵՐԸ



Դեկտեմբերի 13-ին 2020-2023 թվա-
կաններին գերեվարված Հայաստանի
Հանրապետության 31 զինծառայող-
ներ եւ սեպտեմբերին Արցախի Հան-
րապետությունում գերեվարված 1
զինծառայող հատել են հայ-ադրբեյջա-
նական սահմանը եւ գտնվում են Հա-
յաստանում: Անդրանիկ Սրապի Սու-
քիասյանի դատավարությունն ընթա-
ցել էր Բաքվի վերաքննիչ դատարա-
նում: Նրան մեղադրանք էր առա-
ջադրվել 318.2-րդ հոդվածով, այն է՝
«խմբի կազմում նախնական համա-
ձայնությամբ Ադրբեյջանի Հանրապե-
տության պետական սահմանն ապօ-
րինի հատելը», եւ 228.3-րդ հոդվածով՝
«կազմակերպված խմբի կողմից զեն-
քի, դրանց բաղադրամասերի, զինամ-
թերքի, պայթուցիկ նյութերի եւ պայ-
թուցիկ սարքերի ապօրինի ձեռք բե-
րում, փոխանցում, վաճառք, պահպա-
նում, փոխադրում կամ կրում»: Մե-
ղադրանքի համար դատարանի դա-
տախազը նրան դատապարտել էր 7
տարվա ազատազրկման, սակայն իբ-
րեւ դատավորը պահանջը չի բավա-
րարել եւ 6 տարվա ազատազրկման է
դատապարտել: Ըստ դատավորի կա-
յացրած որոշման՝ Անդրանիկ Սուքի-
ասյանը եւ նրա հետ գերեվարվածները
պատիժը կրելուց հետո պետք է լքեին
Ադրբեյջանի տարածքը: Անդրանիկ
Սուքիասյանը ծննդով Շիրակ մարզի
Գյումրի քաղաքից էր:

Տիգրան Մանուկի Ավագյանի դա-
տավարությունն ընթացել էր Բաքվի
վերաքննիչ դատարանում: Նրան մե-
ղադրանք էր առաջադրվել 318.2-րդ
հոդվածով, այն է՝ «խմբի կազմում
նախնական համաձայնությամբ Ադր-
բեյջանի Հանրապետության պետա-
կան սահմանն ապօրինի հատելը», եւ
228.3-րդ հոդվածով՝ «կազմակերպված
խմբի կողմից զենքի, դրանց բաղադ-
րամասերի, զինամթերքի, պայթուցիկ
նյութերի եւ պայթուցիկ սարքերի
ապօրինի ձեռք բերում, փոխանցում,
վաճառք, պահպանում, փոխադրում
կամ կրում»: Մեղադրանքի համար
դատարանի դատախազը նրան դա-
տապարտել էր 7 տարվա ազատազրկ-
ման, սակայն իբրեւ դատավորը պա-
հանջը չի բավարարել եւ 6 տարվա
ազատազրկման է դատապարտել: Ըստ
դատավորի կայացրած որոշման՝
Տիգրան Ավագյանը պատիժը կրելուց
հետո պետք է լքեր Ադրբեյջանը: Տիգ-
րան Ավագյանը ծննդով Շիրակ մարզի
Գյումրի քաղաքից էր:
ՆԱՆԻԿ ԱՐԱՍՅԱՆ

● Ըստ ոստիկանության տվյալների՝ դեկտեմբերի 15-ից 18-ը Հայաստանի Հանրապետությունում
բացահայտվել է հանցագործության 139 դեպք, որոնցից 7-ը՝ նախկինում կատարված:

ՍՈՑԻԱԼԱԿԱՆ

ԱՆՅՈՒԴԱՐՁ

Wildberries-ը ՉԻՆԱՍՏԱՆՈՒՄ

Wildberries-ը մուտք է գործել չինական շուկա... ՎԵԿ-ն: Wildberries հիմնադիր է...

Դեռ ամռանը հաղորդվում էր, որ Wildberries-ը պատրաստվում է մուտք գործել չինական շուկա...

ԹՈՒՉՔՆԵՐ ԱՄԱՆՈՐԻՆ

Ամանորին ընդամենը «ժողովուրդ» օրաթերթը կազմել է փոքրիկ ասնդակ...

Հայկական FlyArna ավիաընկերությունում Ամանորի նախաշեմին մեկնման տոմսերի արժեքը կկազմի 56 հազար դրամ...

Դեպի Դուբայ՝ Արաբական Միացիալ Էմիրություններ, տոմսերի արժեքը Ամանորի նախաշեմին կկազմի 125 հազար դրամ...

AirArabic ավիաընկերությունում Ամանորի նախաշեմին արդեն իսկ սպառվել են դեկտեմբերի 22,23,25,26,29 եւ 30-ի չվերթերի համար նախատեսված տոմսերը:

ԾՐԱԳՐԵՐ

Forbes-ը ՌՈՒԲԵՆ ՎԱՐԴԱՆՅԱՆԻ ԾԱԽՍԵՐԻ ՄԱՍԻՆ

«ժողովուրդ» օրաթերթի փոխանցմամբ «Ինչի» վրա է ծախսել գումարներն ահաբեկչության ֆինանսավորման մեջ մեղադրվող Ռուբեն Վարդանյանը... Forbes-ն անդրադարձել է Ռուբեն Վարդանյանի Հայաստանում իրականացված ծրագրերին...



Հրապարակման մեջ ներկայացվել են Ռուբեն Վարդանյանի կողմից իրականացված խոշոր կրթական, զբոսաշրջային եւ ենթակառուցվածքային, մարդասիրական, ինչպես նաեւ սոցիալական ծրագրերը...

Նշվում է, որ Ռուբեն Վարդանյանի ընտանիքի եւ նրա գործընկերների կողմից 2001-2023թթ. շուրջ 700 մլն դոլարի ներդրում է իրականացվել Հայաստանում, Արցախում եւ հայկական աշխարհում...

Նշվում է, որ UWC Dilijan-ը, որը «Միացյալ համաշխարհային քոլեջներ - UWC» ցանցի անդամ է, արդեն 820 շրջանավարտ է տվել: 160 հայ պատանիներ ու աղջիկներ դարձրել է UWC անդամակցության շրջանակի միջազգային կրթություն ստանալու հնարավորություն են ունեցել:

«Ավորրա» միջազգային մարդասիրական նախաձեռնության շրջանակում աջակցություն է ցուցաբերվել 427 նախագծի (ավելի քան 3,2 մլն մարդ): Պարբերականը նշում է, որ նախաձեռնությունը ստեղծվել է Հայոց ցեղասպանությունը վերապրողների անունից՝ ի տարբերակ ստապիտություն նրանց փրկողների: «Ավորրա» դրամաշնորհներն աջակցում են կրթական, մարդասիրական նախագծերին, պահպանում հայկական ժառանգությունը՝ հարգելով Հայոց ցեղասպանությունը վերապրածներին փրկողների հիշատակը:

Անդրադառնալով «Տաթևի վերածնունդ»-ին՝ նշվում է, որ նրա հիմնական նպատակը զբոսաշրջային ծրագրերի միջոցով տեղի բնակչության կյանքի որակի բարելավումն էր: Հիմա արդեն Հայաստան այցելող յուրաքանչյուր 5-րդ զբոսաշրջիկ իր ծրագրում ընդգրկում է ճոպանուղին:

Պարբերականն անդրադարձել է նաեւ դեռ 2008 թվականից Ռուբեն Վարդանյանի կողմից Արցախում իրականացված սոցիալական, բարեգործական, մշակութային ժառանգության պահպանման ծրագրերին՝ նշելով, որ ընդհանուր ներդրումները կազմել են շուրջ 8 մլն դոլար:

ՀՐԱՊԱՐԱԿԱՅԻՆ ԾԱՆՈՒՅՈՒՄ

«ԲիտԹի» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ -ի հարթակում իրականացնելու է բաց աճուրդ՝ հողանկատային եղանակով: Աճուրդի ընթացքում վաճառվելու է «ԱՄԻՕ ԲԱՆԿ» ՓԲԸ-ին (այսուհետ՝ բանկ) սեփականության իրավունքով պատկանող հետևյալ լոտը՝

Կոտայքի մարզ, համայնք՝ Նոր Հաճն, Նոր Հաճն ք., Ե. Չարենցի փողոց, 19 շենք, 42 հասցեում գտնվող 79,7 ք.մ. բնակարան: Լոտի մեկնարկային գինը՝ 22000000 ՀՀ դրամ: Աճուրդի փուլերը՝ հողանկատային եղանակով, ք. Երեւան, Սայաթ-Նովա պողոտա, 40 շենք, 82/31 հասցեում 04.01.2024թ.-ին, Ժ. 12:00-ին, այսուհետեւ հողանկատային եղանակով կայացվող աճուրդի յուրաքանչյուր հերթական փուլը կանցկացվի յուրաքանչյուր հաջորդ աշխատանքային օրը, նույն վայրում, նույն ժամին: Աճուրդի ավարտը՝ 01.07.2024թ.: Աճուրդի մասնակցության նախաձեռնում սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախաձեռնումը վճարվում է «Բի Ես Թի» ՍՊԸ-ի դրամարկումնաճուրդի կայացման հասցեում, ՀՀ օրենսդրությամբ սահմանված կանխիկի շեմը չզերպագանցելու դեպքում, կամ բանկային հաշվին («Արդշինբանկ» ՓԲԸ-ում՝ 2470103374150000 հաշվառման համար), կամ

կազմակերպիչի կողմից տրված այլ հաշվառման համար: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպիչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախաձեռնող մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայականը: Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուծիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախաձեռնումը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախաձեռնումը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառի պայմանագիրը, ապա նա կորցնում է իր մուծած նախաձեռնումը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում

հաղթող ճանաչված անձին վերադարձնել նախաձեռնումը: Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեանքով աճուրդի մասնակիցների կորուստների եւ վնասների համար բանկը որեւէ պատասխանատվություն չի կրում: Լոտն ուսումնասիրելու, ցանկություն հայտնաբերելու կարող են սույն ծանուցման օրվան հաջորդող օրվանից մինչեւ աճուրդի ավարտի նախորդող օրը, յուրաքանչյուր աշխատանքային օր, Ժ. 10:00-ից մինչեւ 18:00-ն, այցելել վերը նշված հասցեով եւ ծանոթանալ լոտի հետ՝ այցելությունը նախապես համաձայնեցնելով Կազմակերպիչի եւ Բորսայի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդների անցկացման կանոնակարգին, լոտերի ամբողջական ցանկին կարող եք ծանոթանալ եւ անվճար ստանալ կանոնակարգի պատճենը, դիմելով Կազմակերպիչի եւ Բորսային՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող եք զանգահարել (011) 56-45-13 հեռխոսահամարով կամ այցելել www.ilcbst.am, www.borsa.am կայքեր:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



ՎԱՐԿԱՅԻՆ

**ՀԱՐՑ. Իրավունք ունի՞» գրավառում (բանկ, վարկա-
յին կազմակերպություն, գրավասուն) առանց
դառնադանին սեղյակ դառնելու (ծանուցելու) վա-
ճառել գրավ դրված գույքը:**
Կարինե Մինասյան (31 տարեկան)



ՊԱՏԱՍԽԱՆ. Քաղաքացու հարցին ի պատաս-
խան՝ տեղեկացնում ենք, որ չի կարող: Եթե գրավի
պայմանագրով կամ գրավառուի եւ գրավատուի միջեւ
կնքված գրավոր համաձայնությամբ առկա է դրույթ՝
առանց դատարանի վճռի գրավ դրված գույքի իրաց-
ման մասին, ապա գրավառուն պարտապահի կողմից
գրավով ապահովված պարտավորությունը չկատարե-
լու կամ ոչ պատշաճ կատարելու դեպքում պարտավոր
է գրավոր՝ պատշաճ ձեով ծանուցել պարտապահին
առանց դատարանի դիմելու գրավի առարկայի բռնա-
զանձման մասին (բռնազանձման ծանուցում)՝ համա-
ձայն Հայաստանի Հանրապետության քաղաքացիա-
կան օրենսգրքի 249 հոդվածի 2-րդ մասի:

Միաժամանակ հայտնում ենք, որ նույն հոդվածը
սահմանում է նաեւ, որ բռնազանձման ծանուցումը
պարտապահին հանձնելուց երկու ամիս հետո գրա-
վառուն իրավունք ունի իրացնելու գրավի առարկան:
Վերոնշյալ համաձայնության բացակայության դեպ-
քում գրավ դրված գույքի հաշվին գրավառուի (պար-
տատիրոջ) պահանջները բավարարվում են դատա-
րանի վճռով:

Այսպիսով, ֆինանսական կազմակերպությունը
պետք է պարտապահին գրավոր ծանուցի գրավադր-
ված գույքի իրացման վերաբերյալ, որից երկու ամիս
հետո միայն կարող է իրացնել գույքը:

Ֆինանսական համակարգի հաշտարարի գրասենյակ

«ԺՈՂՎՈՒՐԳ». Տեղեկացնում ենք, որ եթե
կողմերի միջեւ կնքված պայմանագրով սահմանված
է տույժի վճարման չափ եւ կարգ, ապա ֆինանսա-
կան կազմակերպությունն իրավասու է կիրառել
դրանք մինչեւ պարտավորությունների ամբողջական
մարումը:

ՍՈՑԻԱԼԱԿԱՆ

**ՀԱՐՑ. Ուզում եմ իմանալ՝ ինչ կարգով է կասար-
վում Հայրենական մեծ դաժնագրի վեճերանների
ավանդների փոխհատուցում սահմալու իրավունք
ունեցող անձանց հաշվառումը:**
Պելլ Սահակյան (68 տարեկան)



ՊԱՏԱՍԽԱՆ. Փոխհատուցում ստանալու համար
Հայրենական մեծ պատերազմի վեճերանը հաշվառ-
ման նպատակով իր փաստացի բնակության վայրի սո-
ցիալական ծառայություններ տրամադրող տարած-
քային մարմին (Փարոս) անձամբ կամ, լիազորագրի
հիման վրա, գործող ներկայացուցչի միջոցով ներկա-
յացնում է սահմանված ձեւի դիմում եւ հաշվառման
համար անհրաժեշտ փաստաթղթեր:

Հայրենական մեծ պատերազմի վեճերանի պահան-
ջով սոցիալական ծառայություններ տրամադրող տա-
րածքային մարմինը հաշվառումը կարող է իրակա-
նացնել վեճերանի բնակության վայրում կազմակեր-
պելով տնային այցելություն (ներառում է այցելություն
բուժման վայր):

**ՀՀ աշխատանքի
եւ սոցիալական հարցերի նախարարություն**

«ԺՈՂՎՈՒՐԳ». Հայրենական մեծ պատերազ-
մի վեճերանների ավանդների փոխհատուցումը
վճարվում է «ՀայՓոստ»-ի բաժանմունքի սպասարկող
անձի կողմից տուն առաքելու միջոցով:

ԼՈՒՐ ԿԱԴՐ

Լուսանկարը՝ համացանցից



Լենինգրադի, Արխանգելսկի եւ Մուրմանսկի շրջաննե-
րի բնակիչները համացանցը հեղեղել են Հյուսիսսիբիրյի
կադրերով:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել
«Ժողովուրդ» օրաթերթի խմբագրություն (010 54-64-23
հեռախոսահամարով), եւ մենք անպայման կանդրադառ-
նանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու
համար կարող եք լրացնել հետևյալ բլանկը եւ
ուղարկել նշված հասցեով: Ամեն օր թերթը կհասնի
ձեր նախընտրելի վայր: ✕

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ
քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	- 10 - 15 - 2 + 1
☾	Կոտայքի լեռներ	- 9 - 14 0 - 2
☾	Կոտայքի նախալեռներ	- 5 - 8 + 2 + 4
☾	Գեղարքունիք	- 10 - 14 - 2 + 2
☾	Լոռի	- 7 - 12 + 10 + 12
☾	Տավուշ	- 3 - 8 + 4 + 8
☾	Արագածոտնի լեռներ	- 10 - 15 - 1 - 3
☾	Արագածոտնի նախալեռներ	- 4 - 6 + 2 + 5

☾	Արարատ	- 4 - 6 + 5 + 7
☾	Արմավիր	- 5 - 8 + 4 + 6
☾	Վայոց ձորի լեռներ	- 10 - 13 - 1 - 3
☾	Վայոց ձորի նախալեռներ	- 4 - 6 + 5 + 7
☾	Սյունիքի հովիտներ	- 5 - 8 + 4 + 6
☾	Սյունիքի նախալեռներ	- 6 - 10 + 2 + 5
☾	ԼՂՀ	- 4 + 1 0 + 1
☾	Երեւան	- 5 + 2 + 1 + 2

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 18.12.2023
Պատկերը հարցերի հարց. ք. Կարմիր, 4 հարկ, 2017

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետևյալ նախադասությունը. «Շարունակությունը կարող էք
կարդալ «Ժողովուրդ» օրաթերթի այսօրվա համարում»: